

IBAIALDE 2019 LEHIAKETA

IBAIALDE lehiaketan parte hartzeko asmorik baduzue, irakur ezazue ondorengo informazioa.

LEHIAKETAREN GAIA:

Gai bakarra, "Gure ibaiak"

MODALITATEAK:

- Marrazkia
- Argazki digitala

KATEGORIAK:

- 1.Kategoria: 10 urte arte.
- 2.Kategoria: 11-15 urte bitartean.
- 3.Kategoria: 16 urte baino gehiago

LANAK AURKEZTEKO ARAUAK:

MARRAZKIA:

Marrazkiak **edozein teknika** erabiliz (argizaria, akuarela, koloretako arkatzak, ikatz ziria eta abar) egindakoak izan daitezke; neurriak, berriz, **DIN A4 edo DIN A3** tamainakoak izango dira. **Pertsona bakoitzak marrazki bakarra aurkeztu dezake.**

ARGAZKIA:

Jatorrizko argazkiek orijinalak izan beharko dute, gehienez urte bat baino gutxiago antzintasun dutenak eta beste lehiaketa batean saritu gabeak. Formatu digitalean aurkeztuko dira bakarrik, hau da CD-an, pendrive-an edo posta elektronikoa bidaliz (aztertu@euskadi.eus). **Pertsona bakoitzak argazki bakarra aurkeztu dezake.** CD edo USB baten argazki bat baino gehiago aurkeztuz gero, egileak behar den bezala identifikatu beharko ditu.

Bestalde, interesgarria litzateke irakasleek (ikastetxeen kasuan) eta begiraleek (elkarte eta abarren kasuan) euren taldeak lanak egitera eta aurkeztera animatzea. Hori dela eta, parte-hartzaile bakoitzak, norberaren izenean aurkeztuz aparte, IBAIALDE parte hartzen duen zentroaren izena aipatu dezake.

Aurkezten diren lanetan behar bezala identifikatu beharko da IBAIALDE lehiaketako parte-hartzaile bakoitza.

- Izen-abizenak
- Sexua
- Ikastetxea edo elkarte (banakako pertsonen kasuan ez da beharrezkoa)
- Adina
- Telefonoa
- Helbide elektronikoa (komunikazio ofizialak egiteko erabiliko dena).

**Ez dira kontuan hartuko ezarritako arauak betetzen ez dituzten lanak.

LANAK AURKEZTEKO AZKEN EGUNA:

2019ko ekainaren 21a

* Posta arruta erabiltzekotan, nahikoa da bidalketa zigilua ekainaren 14koa bada (gehienez).

LANAK AURKEZTEKO LEKUA:

Lanak eskura eman edo kartaz bidali daitezke, ondorengo helbideetara:

- Bilboko Ingurugela: Ondarroa 2. 48004 BILBAO
- Vitoria-Gasteizko Ingurugela: Baiona 56-58. 01010 VITORIA-GASTEIZ
- Donostia-San Sebastianeko Ingurugela: Basotxiki 5. 20015 DONOSTIA-SAN SEBASTIÁN
- Legazpiko Ingurugela: Brinkola auzoa z/g. 20220 LEGAZPI
- Eibarreko Berritzegunea: J.A.Iturrioz kalea5. 20220EIBAR

Argazkien kasuan aztertu@euskadi.eus helbide elektronikora bidali daitezke.

SARIAK:

Aurkeztutako lan guztiak Ingurugelako, Eusko Jaurlaritzako eta AZTERTU Programa koordinatzen duen taldeko kideek osatutako epaimahaiak balioetsiko ditu.

Modalitate eta kategoria bakoitzeko irabazleek saria izango dute.

SARITUTAKO LANAK ARGITARATZEA:

Saritutako lanak AZTERTU Programaren web orrian argitaratuko dira, saritutako lanen bilduma edo galerian.

Komunikazioak erraztutako telefona edo emailaren bidez egingo dira (bai pertsonalak, bai ikastetxe edo kolektibo batenak izan).

AURKEZTUTAKO LANAK ERABILTZEKO BAIMENA:

Lehiaketara aurkeztutako lanak Euskal Autonomia Erkidegoko Administrazioaren esku geratuko dira, eta lan horien kopiak egiteko eta zabaldu edo banatzeko baimena izango du, baita egoki deritzon komunikazio publikoko sistemaren bidez eta egoki deritzon helburuarekin lanak ezagutarazteko baimena ere. Euskal Autonomia Erkidegoko Administrazioak eskuratzen dituen baimen horien iraupena 6 urtekoa izango da eta nonahi gauzatu ahal izango ditu. Hala, esaterako, AZTERTU programaren aurtengo edizioan nahiz hurrengoetan sor litekeen edozein materialetan (apaingarri edo osagarri) erabili ahalko ditu lanak, baita ezagutzera eman AZTERTU programaren web gunean ere. Bestalde, parte-hartzaileen irudia modu berdinean erabili ahal izango du Euskal Autonomia Erkidegoko Administrazioak. Lehiaketara lanak aurkeztu dituztenek, ordea, ez dute EAEko Administrazioak egin ditzakeen erabilera horiengatik guztiengatik diru-saririk jasotzeko eskubiderik izango.

LEGEZKO OHARRA:

Abenduaren 13ko 15/1999 Lege Organikoak, Datu Pertsonalak Babestekoak, ezarritakoari jarraiki, honako hau jakinarazi nahi dizugu: IBAIALDE lehiaketara aurkeztu duzun lana saridun baldin bada, zure datu pertsonalak fitxategi automatizatu batean gordeko dira.

Fitxategi horretan gordetako datuak helburu hauetarako baino ez dira erabiliko:

- zure lanak saria jasoko duela jakinarazteko.
- sariak banatzeko ekitaldira zu gonbidatu ahal izateko.
- dagokizun saria eman ahal izateko.
- zure lana ibaialde aldizkarian lan sarituen bilduman argitaratzen dugunean, norik eginga den adierazi ahal izateko; beti ere zuk datu horiek ezaltzearen aurkako adierazpenik egiten ez baduzu.

Fitxategiaren arduraduna Eusko Jaurlaritzako Ingurumen eta Lurralde Politika Saileko Natura Ingurunearen eta Ingurumen Plangintzaren zuzendaria da. Datuak eskuratzeko, zuzentzeko, deuseztatzeko eta fitxategian agertzearen aurka egiteko eskubidea gauzatu nahi izanez gero, Sail horretako Zerbitzu Zuzendaritzara jo dezakezu: Donostia-San Sebastián 1, 2. solairua, Vitoria-Gasteiz 01010.